



uunga
Aqqalu Jerimiassen
Inatsisartunut ilaasortaq
Atassut

Soraarnerussutisiat pillugit § 37 naapertorlugu apeqqummut akissut (229-2022)

Brevdato: 13-01-2023
Sagsnr. 2023-76

Asasara Aqqalu Jerimiassen

Aallaqqaasiullugu apeqqutitut nassiussannut immikkoortumullu uunga soqutiginninnerit qujassutigissavara. Apeqqutit soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-imeersumi malittarisassanut annertunermik attuumanerat akissutinni tungavissaatippara.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Tulliuttuni § 37 naapertorlugu apeqqutinnut akissutit nassiunneqarput. Akissutit Akileraartarnermut Aqutsisoqarfik kiisalu Aningaasaqarnermut Sulisoqarnermullu Aqutsisoqarfik suleqatigalugit suliarineqarput.

1) Avataaniit suliffeqarfiit allatuulli nunatsinni suliffeqarfiit sulisuminnut soraarnerussutisiassanik ileqqaareqataasussatut pisussaaffeqarpat?

Soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-imeersumi § 1, imm. 1-mi ink 18-ileereersimasoq tamakkiisumillu akileraartussaataasooq soraarnerussutisiaqarnissamut aqqissuussinermut akiliisussaataasooq atuarneqarsinnaavoq. Innuttaasup kinaanera apeqqutaatinnagu pisussaaffik innuttaasunut tamanut assigiimmik atuuppoq.

Pisulli ilaanni aningaasarsiaqarluni sulisartoq sulisitsisup assersuutigalugu soraarnerussutisiaqalernissamut katersivimmut akiliisarnissaq isumaginninnissaanik sulisitsisuminiq isumaqatigiissuteqarsimasarpoq. Isumaqatigiissutit taamaattut ataatsimoortumik isumaqatigiissutit, inummut aalajangersimasumut atorfinitsitaanermik isumaqatigiissut, suliffeqarfimmiluunniit isumaqatigiissutit allat malillugit pisinnaapput. Taamaalilluni assersuutigalugu pisortat isumaqatigiissutaanni tamani, sulisitsisup sulisartut ataasiakkaat akiliisarnissaannik isumaginnittusnaanera isumaqatigiissutigineqarpoq. Isumaqatigiissutit taamaattut atuukkaluarpataluunniit, suliffeqartut ataasiakkaat soraarnerussutisiaqarnissamut aqqissuussinermut pinngitsoorani ilaanissaq pillugu inatsit naapertorlugu pisussaaffimminik naammassinninnissaq akisussaaffigaat.

Suliffeqarfiit nunanit allaneersut ilaasa suliffeqarfiit maani angerlarsimaffeqartut assigalugit sulisumik soraarnerussutisianik katersaannut akiliisarput. Akiliisarnertit isumaqatigiissutit attuuttut sulisunilluunniit isumaqatigiissutit allat malitsigisaannik pisarnersut Akileraartarnermut Aqutsisoqarfiup ilisimangilaa.

a. Taamaassimassanngippat sulisuusup akilereersimasami qaavatiqut akileraarutikkut akiligassinneqartarpa?

i. Taamaassimassappat Naalackersuisut aaqqiinissaminnut qanoq pilersaarpat?

Innuttaasup soraarnerussutisianut aaqqissuussinermut akiliutaa mikivallaarpat, assersuutigalugu akiliisarnissaq pillugu isumaqatigiissuteqartoqarsimannginnera pissutigalugu, innuttaasooq nammineq soraarnerussutisiassanik katersinissamut pisussaaffinnik naammassinnikkumalluni naammattunik akiliinissamut isumaginnissaaq. Akileraartarnermut Aqutsisoqarfiup aggustimi innuttaasup ukiup siuliani ileqqaaruteqartussaannerminut pisussaaffimminik naammassinnissimanera naatsorsoraangagu, innuttaasut akiliinikippallaarsimasut akiliutissamik amigaataannik akiliinissamut kaammattorneqartarput. Taamaaliortoqarsimatinnagu soraarnerussutisiassanut akiliutissaq amigaataasooq ukiup tulliani skattekortimut tapiliussatut akiligassanngortinneqartarpoq.

Aningaasat assersuutigalugu akileraarutinut, ineqarnermut il.il. akiligassatulli akilersinneqartannginnerannut, soraarnerussutisiassanut akiliutit amigaataasut innuttaasup imminut akiitsorinerinik tamanna patsiseqarpoq. Taamaammat eqqartuussisarneq pillugu inatsimmi soraarnerussutisiassatut akiliutissat amigaataasut aningaasarsianit ilanngaassinerit, pigisanik qularnaveequsiinerit assigisaallu atorlugit akilersinneqarnissaannut inatsisitigut toqqammavissaqanngilaq.

Innuttaasut skattekortimik annertusisamik akileraarummut procentimik tigusaqartut, innuttaasup Akileraartarnermut Aqutsisoqarfimmut ileqqaaruteqartussaataitanerminnik naammassinnissimanerminik uppersaanaeratigut, nutaamik annertusisamik akileraarummut procentitaqanngitsumik pissarsinissamik periarfissaqarput. Tamanna soraarnerussutisiassanut katersivimmut akuerisaasumut akiliisimanermut uppersaammik, akiliutip ukiumut sorlermut akiliutaaneramik allassimasumik Akileraartarnermut Aqutsisoqarfimmut nassiussinikkut pisinnaavoq.

Aamma taamatut innuttaasooq Akileraartarnermut Aqutsisoqarfiup imminut tunngasumik soraarnerussutisiaqarnissamut aaqqissuussinermut pinngitsoorani ilaanissamut atasumik naatsorsuineri naammangitsumik toqqammaveqartoq isumaqaruni, Akileraartarnermut Aqutsisoqarfimmut attaveqarsinnaavoq.

Tamatuma saniatigut Akileraartarnermut Aqutsisoqarfik aqutsisoqarfiup immikkoortuanut attuumasuni sapinngisaq tamaat innuttaasumut ilitsersuinissamut piareersimajuarpoq.

Inussiarnersumik inuulluaqqusillunga


Naaja H. Nathanielsen